



Broj predmeta: 48-000250/20
Broj akta: 01.11-0377MB-345/21
Datum, 5.5.2021.. godine
Mjesto, Brčko

Na osnovu člana 52. Statuta Brčko distrikta Bosne i Hercegovine – prečišćeni tekst („Službeni glasnik Brčko distrikta BiH“, broj 2/10), člana 10. i člana 11. stav (2) Zakona o Vladi Brčko distrikta Bosne i Hercegovine („Službeni glasnik Brčko distrikta BiH“, broj: 22/18 – prečišćeni tekst, 49/18, 8/19, 10/19 i 32/19) i Zakona o ublažavanju negativnih ekonomskih posljedica izazvanih stanjem prirodne nesreće zbog COVID-19 u Brčko distriktu Bosne i Hercegovine („Službeni glasnik Brčko distrikta BiH“, broj: 17/20, 40/20), na prijedlog Odjeljenja za privredni razvoj, sport i kulturu, broj predmeta: 48-000250/20 od 20.4.2021. godine, Vlada Brčko distrikta Bosne i Hercegovine, na 11. redovnoj sjednici održanoj 5. maja 2021. godine,
d o n o s i

O D L U K U
O USVAJANJU PROGRAMA MJERA ZA POMOĆ PRIVREDNIM SUBJEKTIMA U
BRČKO DISTRIKTU BOSNE I HERCEGOVINE ZBOG PANDEMIJE IZAZVANE
CORONA VIRUSOM ZA 2021.GODINU

Član 1.

Usvaja se Program mjera za pomoć privrednim subjektima u Brčko distriktu Bosne i Hercegovine zbog pandemije izazvane Corona virusom.

Član 2.

Sastavni dio ove odluke čini Program mjera za pomoć privrednim subjektima u Brčko distriktu Bosne i Hercegovine zbog pandemije izazvane Corona virusom za 2021. godinu.

Član 3.

Za realizovanje ove Odluke zadužuje se Odjeljenje za privredni razvoj, sport i kulturu Brčko distrikta BiH i Direkcija za finansije Brčko distrikta BiH.

Član 4.

Ova Odluka stupa na snagu danom donošenja i bit će objavljena u “Službenom glasniku Brčko distrikta BiH”.

DOSTAVITI:

1. Članovima Vlade Brčko distrikta BiH,
2. Odjeljenju privredni razvoj, sport i kulturu,
3. Kancelariji za upravljanje javnom imovinom Brčko distrikta BiH,
4. Kancelariji koordinатора Brčko distrikta BiH u Vijeću ministara BiH,
5. Kabinetu gradonačelnika
6. Sekretaru Vlade Brčko distrikta BiH
7. Sektoru za opšte poslove i strateško planiranje
8. „Službenom glasniku Brčko distrikta BiH“
9. Arhivi

GRADONAČELNIK

Esed Kadrić

PROGRAM MJERA ZA POMOĆ PRIVREDNIM SUBJEKTIMA U BRČKO DISTRIKTU BOSNE I HERCEGOVINE ZBOG PANDEMIJE IZAZVANE CORONA VIRUSOM ZA 2021. GODINU

A) SVRHA I KORISNICI PROGRAMA

Član 1.

Svrha Programa je finansijska pomoć preduzećima, preduzetnicima i poslovnim jedinicama, na području Brčko distrikta BiH, kojima je smanjen obim poslovanja zbog pandemije izazvane Corona virusom, za 2021. godine, a u cilju prevazilaženja teškoća u poslovanju i zadržavanja postojećih radnih mjesta.

Član 2.

Korisnici po ovom programu su preduzeća, preduzetnici i poslovne jedinice na području Brčko distrikta BiH, kojima je smanjen obim poslovanja zbog Pandemije izazvane Corona virusom, a koji ispunjavaju opšte i posebne kriterijume.

B) OPŠTI I POSEBNI KRITERIJUMI

Član 3.

Opšti kriteriji koje korisnici iz člana 2 ovog programa moraju ispuniti su da:

- a) imaju sjedište u Brčko distriktu BiH;
- b) su registrovana u skladu sa zakonima Brčko distrikta BiH;
- c) registrovanu djelatnost obavljaju na području Brčko distrikta BiH;
- d) su obračunali i isplatili bruto plate zaposlenim radnicima zaključno sa mjesecom decembrom 2020.godine;
- e) su obračunali i isplatili poreze prema Brčko distriktu BiH zaključno sa mjesecom decembrom 2020.godine;
- f) je ostvareni poslovni prihod u 2020. godini, najmanje za 20 % manji u odnosu na ostvareni poslovni prihod u 2019. godini.
- g) ostvarena poslovna dobit u 2020. godini nije veća od ostvarene poslovne dobiti u 2019. godini.

Član 4.

(1) U skladu sa posebnim kriterijumima korisnici iz člana 2 ovog programa se razvrstavaju u A,B,C,D i E grupu.

(2) U grupu A se razvrstavaju preduzeća, preduzetnici i poslovne jedinice koje se bave sljedećim djelatnostima:

- 49.31 Gradski i prigradski kopneni prevoz putnika
- 49.32 Taksi služba
- 49.39 Ostali kopneni prijevoz putnika, d.n
- 55.10 Hoteli i sličan smještaj
- 55.90 Ostali smještaj
- 56.10 Djelatnosti restorana i ostalih objekata za pripremu i usluživanje hrane
- 56.30 Djelatnosti pripreme i usluživanja pića
- 79.11 Djelatnost putničkih agencija
- 79.12 Djelatnost turoperatora
- 85.53 Djelatnosti vozačkih škola
- 88.91 Djelatnost dnevne brige o djeci
- 92.00 Djelatnosti kockanja i klađenja
- 93.13 Fitnes centri
- 93.29 Ostale zabavne i rekreacijske djelatnosti-Djelatnost plesnih dvorana i diskoteka

- (3) U grupu B se razvrstavaju preduzeća, preduzetnici i poslovne jedinice koje se bave svim ostalim djelatnostima, izuzev djelatnosti navedenih u stavu (2) ovog člana.
- (4) U grupu C se razvrstavaju preduzeća, preduzetnici i poslovne jedinice koje se bave sljedećim djelatnostima:
 - 55.10 Hoteli i sličan smještaj
 - 55.90 Ostali smještaj
- (5) U grupu D se razvrstavaju preduzeća, preduzetnici i poslovne jedinice koje se bave djelatnošću:
 - 79.12 Djelatnost turoperatora
- (6) U grupu E se razvrstavaju preduzeća, preduzetnici i poslovne jedinice koje se bave djelatnošću:
 - 49.39 Ostali kopneni prijevoz putnika, d.n-prevoz školskim autobusima i autobusima za prevoz radnika na posao.

Član 5.

Korisnici po ovom programu ne mogu biti:

- a) banke niti druge finansijske organizacije i osiguravajuća društva koja su u skladu sa Odlukom o klasifikaciji djelatnosti Brčko distrikta BiH upisane u području „K Finansijska djelatnost i djelatnost osiguranja“ u oblastima 64-66;
- b) javna preduzeća;
- c) javne ustanove;
- d) udruženja koja su registrovana u skladu sa Zakonom o udruženjima i fondacijama Brčko distrikta BiH i Zakonom o mjesnim zajednicama u Brčko distriktu BiH.

C) KRITERIJI ZA RASPODJELU SREDSTAVA

Član 6.

- (1) Pravo na korištenje subvencije za nadoknadu 100% isplaćenih poreza i doprinosa na i iz plate za prvi kvartal 2021. godine, imaju preduzeća, preduzetnici i poslovne jedinice, koja ispunjavaju opšte i posebne kriterije iz člana 4 stav (2) ovog programa.
- (2) Pravo na korištenje subvencije za nadoknadu 50% isplaćenih poreza i doprinosa na i iz plate za prvi kvartal 2021. godine, imaju preduzeća, preduzetnici i poslovne jedinice, koja ispunjavaju opšte i posebne kriterije iz člana 4 stav (3) ovog programa.
- (3) Pravo na korištenje jednokratne subvencije od 100,00KM po jednom krevetu, za prvi kvartal 2021. godinu, imaju preduzeća, preduzetnici i poslovne jedinice, koja ispunjavaju opšte i posebne kriterije iz člana 4 stav (4) ovog programa.
- (4) Pravo na korištenje subvencije imaju preduzeća, preduzetnici i poslovne jedinice, koja ispunjavaju opšte i posebne kriterije iz člana 4 stav (5) ovog programa, za prvi kvartal 2021. godine, i to:
 - a) u iznosu od 5.000,00KM po jednom autobusu koje turoperateri imaju u sopstvenom vlasništvu,
 - b) u iznosu od 2.000,00KM po jednom mini busu do 15 sjedišta, koja turoperateri imaju u sopstvenom vlasništvu.
- (5) Pravo na korištenje subvencije u iznosu od 500,00 KM po autobusu, za prvi kvartal 2021. godine, imaju preduzeća, preduzetnici i poslovne jedinice, koja ispunjavaju opšte i posebne kriterije iz člana 4 stav (6) ovog programa, ukoliko imaju autobus za školski prevoz u sopstvenom vlasništvu.
- (6) Preduzeća, preduzetnici i poslovne jedinice kojima osnovna djelatnost nije obuhvaćena djelatnostima iz člana 4 stav (2) ovog pravilnika, a koji u svom poslovanju, kao sporednu djelatnost, obavljaju djelatnost iz stava (2) ovog člana, imaju pravo na nadoknadu isplaćenih poreza i doprinosa na i iz plate za prvi kvartal 2021. godine u 100% iznosu srazmjerno broju radnika zaposlenih u toj djelatnosti.

- (7) Subvencije iz člana 4 ovog programa preduzeća, preduzetnici i poslovne jedinice mogu ostvariti kumulativno.

D) VISINA SREDSTAVA

Član 7.

Visina sredstava za subvencije po svim kategorijama korisnika u 2021. godini utvrditi programom utroška sredstava odobrenih budžetom koji se odnosi na saniranje šteta u privredi nastalih usljed stanja prirodne nesreće zbog Covid-19, a koji će se utvrditi na osnovu zaprimljenih zahtjeva po javnom pozivu.

E) IZVORI SREDSTAVA

Član 8.

Sredstava za subvenciju po ovom programu u 2021. godini, za preduzeća, preduzetnike i poslovne jedinice će se osigurati u Budžetu Brčko distrikta BiH.

F) PRAVILA I PROCEDURE

Član 9.

Odjeljenje za privredni razvoj, sport i kulturu će donijeti pravila i procedure kojima će detaljno urediti način i procedure za odobravanje i isplatu subvencionisanog iznosa.

Član 10.

- (1) Preduzeća, preduzetnici i poslovne jedinice će prilikom ostvarivanja prava iz ovog programa potpisati izjavu kojom pod punom krivičnom i materijalnom odgovornošću garantuju za istinitost datih podataka u izjavi koja je sastavni dio prijave.
- (2) U slučaju podnošenja neistinite izjave od strane preduzeća, preduzetnika i poslovnih jedinica, isti će biti dužni vratiti dodjeljena sredstva sa pripadajućim kamatama, te će biti u skladu sa zakonima Brčko distrikta BiH sankcionisani.

G) ROK ZA DOSTAVLJANJE IZVJEŠTAJA O UTROŠKU SREDSTAVA

Član 11.

Odjeljenje za privredni razvoj, sport i kulturu će Vladi Brčko distrikta BiH dostaviti izvještaj o realizaciji Programa mjera za pomoć privrednim subjektima u Brčko distriktu Bosne i Hercegovine zbog pandemije izazvane Corona virusom za 2021. godinu.

H) PRELAZNE ODREDBE

Član 12.

- (1) Ovaj pravilnik se donosi za prvi kvartal 2021. godine, a isplata sredstava će se vršiti u skladu sa raspoloživim sredstvima u budžetu Odjeljenja, te može biti isplaćena na mjesečnom nivou.
- (2) Za realizaciju ovog programa zadužuju se Odjeljenje za privredni razvoj, sport i kulturu Brčko distrikta BiH i Direkcija za finansije Brčko distrikta BiH.

Broj predmeta: 48-000250/20

Brčko, 5. maj 2021. godine

GRADONAČELNIK
Esed Kadrić